



**GJYKATA E LARTË PËR KUNDËRVAJTJE NË PRISHTINË**, në kolegjin e përbërë nga gjyqtarët: Ramiz Kuqi kryetar, Mejreme Zekaj dhe Ragip Namani, anëtarë, me pjesëmarrjen e sek.juridike Zymrije Çunaku, duke vendosur sipas ankesës të paraqitur nga i pandehuri Rexhep Kasumaj nga Prishtina, nëpërmjet avokatit Osman Havolli, kundër aktvendimit të Gjykatës Komunale për Kundërvajtje në Prishtinë, Regj.I.nr.18214/12 të dt. 17.08.2012, në bazë të nenit 39, al.3, dhe 221 të Ligjit mbi Kundërvajtjet, më 05.10.2012, mori

Ankesa e paraqitur është pjesërisht e bazuar.

Ankesa e paraqitur është pjesërisht e bazuar.  
**NDRYSHOHET** aktvendimi i goditur ashtu që i pandehuri Rexhep Kasumaj, për kundërvajtje të kryer nga neni 8 lidhur me nenin 5.1 dhe 6.2 të ndëshkuar sipas nenit 17 paragrafi 1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik, dënohet me gjobë në shumë prej 1000 Euro.  
Dënimin e shqiptuar i pandehuri është i obliguar që ta paguaj në afat prej 15 dite nga dita e marrjes së këtij aktvendimi e në të kundërtën do ti zëvendësohet me dënim burgu në kohëzgjatje prej 30 ditësh.  
Nga një kopje të këtij aktvendimi duhet dorëzuar palëve.

## Arsyetim

Gjykata Komunale për Kundërvajtje në Prishtinë, me aktvendimin Regj.I.nr.18214/12 të dt. 17.08.2012, ka shpall përgjegjës të pandehurin Rexhep Kasumaj nga Prishtina, sepse si zyrtar i lartë publik , në pozitë të Drejtorit të Klinikës së Urologjisë në ÇKUK në Prishtinë, nuk e ka bërë deklarinimin e rregullt të gjendjes së pasurisë në Agjencinë kundër Korrupsionit, brenda afatit ligjor deri më 31.03.2012, me ç,veprim ka kryer kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 paragrafi 1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik, për të cilën kundërvajtje të pandehurit i është shqiptuar dënimi me gjobë në shumë prej 2000 Euro. Me të njëjtin aktvendim i pandehuri është i obliguar që në emër të paushallit gjyqësor të paguaj 5 Euro.

Kundër këtij aktvendimi i pandehuri Rexhep Kasumaj, nëpërmjet avokatit Osman Havolli, ka paraqitur ankesë për shkak të: shkeljeve esenciale të dispozitave të procedurës kundërvajtëse, vërtetimit të gabuar dhe jo të plotë të gjendjes faktike, aplikimit të gabuar të drejtës materiale dhe vendimit mbi dënimin e shqiptuar, ashtu siç rrjedh nga përmbajtja e ankesës. Thëkson se për shkak të sëmundjes ka deklaruar pasurinë pas dy muaj e 20 ditë dhe ankesës i ka bashkangjitur disa dokumente mjekësore në fotokopje e thekson se gjykata në kundërshtim me ligjin e ka gjykitur me shumë prej 2000 €, andaj propozon që aktvendimi i goditur të abrogohet dhe lënda të kthehet në rishqyrtim dhe rivendosje ose të ndryshohet e ai të lirohet nga përgjegjësia dhe dënimi i shqiptuar.

2.

Kolegji i kësaj gjykate vlerësoi thëniet në ankesën e paraqitur, aktvendimin e goditur, deklarin e dhënë të pandehurit në seancën e shqyrtimit kryesor pranë gjykatës së shkallës së parë në procesverbal të dt.10.07.2012, i cili e ka pranuar kundërvajtjen e cila i vihet në barrë, si dhe shkresat e tjera të lëndës, andaj ka gjetur se:

Ankesa e paraqitur është pjesërisht e bazuar.

Kolegji vlerëson se gjendja faktike në këtë çështje kundërvajtëse nuk është kontestuese, se i pandehuri ka kryer veprën kundërvajtëse siç është përshkruar në dispozitivin e aktvendimit të goditur, për çka e ngarkon kërkesa për fillimin e procedurës kundërvajtëse, meqë i pandehuri e ka pranuar në tërësi dhe kjo kundërvajtjen e cila i vihet në barrë, dhe mbanë përgjegjësi kundërvajtëse, e cila të pandehuri i ngarkohet se nuk ka dërguar formularin për deklarin e pasurisë brenda afatit ligjor prej .01.03.2012 deri më 31.03.2012 .

Kolegji i Gjykatës së Lartë për kundërvajtje, duke u kujdesur sipas detyrës zyrtare konform[ nenit 219 të Ligjit mbi Kundërvajtjet, gjeti se aktvendimi i kundërshtuar nuk përmban shkelje esenciale të dispozitave të procedurës kundërvajtëse, për të cilat kjo gjykatë kujdeset sipas detyrës zyrtare, e as aplikim të gabuar të drejtës materiale.

Duke vlerësuar aktvendimin mbi dënimin dhe pretendimet ankimore se denimi me gjobë në shumë prej 2000 Euro është dënim i ashpër, për arsye se gjykata e shkallës së parë me rastin e matjes dhe shqiptimit të dënimin, nuk i ka vlerësuar drejtë dhe në mënyrë të plotë të gjitha rrethanat që ndikojnë në llojin dhe lartësinë e dënimin, Kolegji i Gjykatës së lartë për Kundërvajtje gjeti se ky pretendim ankimor është i bazuar.

Andaj sipas vlerësimit të këtij kolegji të Gjykatës së lartë për Kundërvajtje, dënimi me gjobë në shumë prej 2000 Euro, është i ashpër duke pasur parasysh rrethanat lehtësuese të cilat i ka gjetur gjykata e shkallës së parë me procesverbal të marrjes në pyetje të pandehurin dhe me prova të tjera në shkresat e lëndës, dhe atë se i pandehuri me parë nuk ka qenë i dënuar, se nuk zhvillohet procedurë tjetër kundërvajtëse, se ka përmbushur obligimin ligjor për deklarin të pasurisë në Agjencionin Antikorrupsion vitin e kaluar me kohë, ndersa këtë vit pas afatit ligjor, gjendjen shëndetësore dhe ekonomike të pandehurit , ndersa rrethana rënduese gjykata e shkallës së parë nuk ka gjetur, rrethanat të cilat i aprovon edhe Kolegji i Gjykatës së Lartë për Kundërvajtje dhe gjen se gjykata e shkallës së parë me rastin e matjes dhe shqiptimit të dënimin, këto rrethana nuk i ka vlerësuar në mënyrë të drejtë dhe të plotë, ashtu që Kolegji i kësaj gjykate gjen se këto rrethana lehtësuese e justifikojnë shqiptimit e një dënimin më të butë, dhe duke aprovuar ankesën, e ndryshoi aktvendimin sa i përket vendimit mbi dënimin dhe të pandehurin Rexhep Kasumajn, për veprën kundërvajtëse për të cilën është shpallur përgjegjës i shqiptoi dënimin me gjobë në të holla në shumë prej 1000 Euro, duke gjetur se ky dënim është adekuat me shkallën e përgjegjësisë, veprën e kryer dhe rrethanat nën të cilat është kryer vepra dhe se me këtë gjobë vepra e kryer është e lehtësuar dhe të ngushtuar.

03-3796/12/03  
fug.




3.

Nga sa u tha më lartë e në bazë të nenit 221 të Ligjit mbi Kundërvajtjet u vendos si në dispozitiv të këtij aktvendimi.

Kundër këtij aktvendimi nuk është e lejuar ankesa.

**GJYKATA E LARTË PËR KUNDËRVAJTJE NË PRISHTINË**  
**GJL.Nr.1087/2012 të dt.05.10.2012.**

**SEK.JURIDIKE**  
**Zymrije Cunaku**



**KRYETARI I KOLEGJIT,**  
**Ramiz Kuqi**